

孔教會雜誌發刊詞

豐城黎養正 端甫

茫茫坤輿。國咍交錯。其號稱。聲明文物。最盛之邦者。孰如我中華哉。此非吾一人之私言也。有吾國。遂古已來。神聖相傳之文史。可徵有各國偉人。互相衡量之品評。可證種族之繁。庶山川之靈。美容儀之文秀。思想之精銳。物產之豐富。制作之堅密。莫不駕諸各強國已上。而聲明文物。遂尤爲受宇內最上之褒揚。夫吾華之與各邦同居此宇宙間。何以獨稱爲聲明文物最盛之國。此其故。外人之觀化言治者。蓋皆深明之。而吾國人之身受其賜者。乃或相忘而不覺。嗚呼。是亦弗思而已矣。夫挹甘泉而思掘井之德。面盤餐而念南畝之劬。匪迂匪迷。忠厚之至也。豺祭獸。獺祭魚。水濬其源。木廕其本。皆民物所固有。而萬不能自己者。是謂生人之本性。命之原。國家兆庶之相係相維。其統一之精神。皆恃乎此。又亦爲古今中外立國之通例。政治之魂。而風俗之母也。故吾國人而不欲其政治之進化。風俗之還醇。則已苟非然也。則吾國人所以負聲明文物最盛之榮譽於列強之間者。此其故。固不可不深長思之。而共籌發揚光大之方。以輔政治之進行。以厚風俗於未漓也。

夫吾國之所以獨蒙此聲明文物最盛之稱名者豈有他哉。上溯我中華皇古已來有無數先知先覺神聖之人繼天立極開物成務於十紀二百數十萬年之際是爲此世界神明首出最先開化於此坤輿之上此我國民族之所不可忘焉者也。雖世運遷移皇降而帝帝降而王卿相師儒猶復代起朝野繼繼承承敷教善俗窮幽徹顯通天達人或演繹文教或作則以身或化起當時或風動後世因革損益時措咸宜其流雖殊源則一也。爰迄東周黑帝誕靈尼山挺瑞麟遊闕里龍護昌平前此無數神聖之遺教乃始集大成於我至聖先師孔子皇天感生制作定世六經垂憲洋溢寰區天地由此而位萬物由此而育親賢樂利合君子小人共受其甄陶輔相財成與日月四時同施其運用大哉洋洋乎孔子之道也。由是以來先賢先儒因時揚摧箋經釋詁演象傳心各守淵源垂爲家法陳圖繪像勒石鑄金一物一名咸遵典則發揚道德啓迪國民上自宮廷下隸走卒靡不誦習聖言崇尚義理禮讓之風遍行率土神明胄裔蔚爲嘉稱是惟我中國聲明文物所從出之本也。故讚中國文物之盛已冠世界文明列邦而上溯中國開化之始乃遠在諸國洪荒未闢已前作者有聖述者有明餘韻流風漸漬成

俗是以滄桑屢易籙運遞更世歷億千年我民族之道德發皇終不隨烈風洪水之災
猛獸龍蛇之倫而與之俱盡故吾國之所以受此聲明文物最盛之名稱者非徒然也
吾中國人所以被此聲明文物最美備之化者尤不可昧也

夫吾之爲斯言以敬告我國人者非過諛我國人也吾嘗周徧而推求之史籍內所紀
錄地理上所徵實風俗中所崇尚往往於不經意之間有一種最高尙之民德最文明
之民度最剛健之民氣亘古而不可磨滅者如金如璧璀璨裔皇接乎吾人耳目之間
溢於吾人意言之表使吾人不禁徘徊不勝傾倒油然往復遐想而流連忽焉而動其
哀哭之忱忽焉而發其咏歌之趣無端而生其憤惋無端而動我唏歔所謂一唱而三
歎慷慨有餘音對天地之悠悠獨愴然而涕下嗚呼夫孰使我而至於此是非吾國民
不可磨滅之民質之動我於無聲無形之間而孰使之然耶而吾乃益爲吾國民致敬
矣吾乃益爲吾國民之民質加愛矣夫以往昔最黑闇之時代最汗濁之政府如六國
諸侯之廢禮典喪秦嬴以之燔詩書普六茹氏之除七緯蔑棄禮教仇懟聖言怙勢行
私殘民以逞率皆躬罹天罰自促滅亡彼雖肆其恣睢獨斷之強威終不能易吾民族

最高尙最文明最剛健之民質而吾民族此一種最高尙最文明最剛健之民質微特不能易也吾之民族且反以殘暴者之速亡而增進其有道德無道德之鑒戒而吾民族一種不可磨滅之民質遂永成爲世界歷史上地理上風俗上吾國人唯一不二特別優美之精神焉吾所以還念吾國之民質益爲我民族嘉矣

吾民族有特別優美不可磨滅之精神如此是必當有以寶貴吾民族此特別優美之精神而亟思所以振新其道德增長其程度發揚其志氣也固已欲有以振新其道德增長其程度發揚其志氣則必窮源反本而深究察夫吾民族此一種不可磨滅之民質之所自來上溯夫開化之初我民族之精神誰實爲之發生誰實爲之養成誰實爲之鼓舞誰實爲之化裁導其所不及節其所過中平弱肉強食之情遏殘仁賊義之醜不有傑倡凡民焉從不有標準顛愚何率蓋萬有千禩我國民之聖祖神宗筆路藍縷戴星沐雨席不煖突不黔舌敝踵繭無恆安息剗心焦思苦志勞形經營土地綱紀民物以愛養維持飲食教誨我先民我民族始得有此文明熾昌安全蕃庶之今日然則我民族之世服先疇食舊德於此南交之北幽都之南暘谷已西昧谷已東者當此萬

流。交。匯。殊。軌。爭。馳。之。際。宜。如。何。合。志。同。力。以。共。相。探。討。籌。所。以。維。持。光。大。吾。先。聖。之。遺。緒。以。振。興。吾。民。族。此。特。別。優。美。之。民。質。無。俾。沿。沿。日。下。馴。致。淪。亡。則。吾。國。人。之。享。聲。明。文。物。最。盛。之。名。稱。而。永。膺。多。福。者。雖。謂。與。天。長。存。可。也。夫。一。國。無。一。國。之。國。華。則。其。國。枯。一。國。之。民。無。一。國。之。民。質。則。其。民。窳。若。孔。教。者。是。非。吾。國。之。華。而。吾。國。民。質。之。所。由。受。其。灌。輸。而。出。者。乎。

茲。者。孔。教。會。成。立。已。數。月。矣。孔。教。會。雜。誌。第。一。期。發。軼。伊。始。矣。英。英。諸。賢。德。秉。衛。道。之。志。紆。憂。世。之。誠。生。際。奮。武。之。秋。預。展。修。文。之。畧。集。思。廣。益。講。德。興。仁。各。迪。先。聖。微。言。共。闡。救。時。新。義。圖。以。標。古。論。以。振。今。講。演。所。以。通。羣。情。學。說。所。以。輔。經。傳。政。術。爲。治。平。之。母。專。著。紀。篇。籍。之。成。史。傳。摺。文。獻。之。遺。譯。叢。徵。輿。論。之。富。詞。章。評。品。則。文。德。之。鼓。吹。也。新。聞。紀。事。則。教。務。之。郵。傳。也。訓。俗。型。方。漸。仁。摩。義。激。揚。風。化。促。進。文。明。以。友。輔。仁。以。文。會。友。萃。於。斯。矣。夫。學。以。講。而。日。進。教。以。會。而。廣。宣。繼。自。今。我。民。族。數。千。年。來。涵。濡。於。孔。聖。之。教。澤。者。庶。幾。汪。洋。閔。衍。以。孔。教。會。爲。其。極。大。之。效。果。乎。且。以。孔。教。會。雜。誌。爲。吾。民。族。施。教。之。喉。舌。乎。我。民。族。其。共。澆。其。潔。淨。精。微。之。心。理。以。互。證。孔。聖。之。文。言。乎。我。民。族。

其共充其宏通博大之良能以共修孔教之偉業乎我民族何以昌大以有教而昌大也我聖教何以擴張以有會而擴張也精研密究篤志力行我民族其勃興矣乎於乎東泛溟渤西陟崑崙山帶河孰非孔教之國土安老懷少孰非孔教之流風深衣方履孰非孔教之服制由古文而篆隸孰非孔教之文字維食兵信曰庶富教孰非孔教之政策仁義禮智孝弟忠信孰非孔教之德音文事武備耕稼貿遷孰非孔教之職業嘉言懿行文章典則孰非孔教之貽留乎國家奠安安於政事政事齊飭飭於人才人才蔚起起於風俗風俗龐厚厚於道德道德隆盛盛於教化教化浹洽洽於便安若至聖先師孔子之教豈非我民族所便且安之久且遠而爲吾民族數百兆人所率土同誠而交戴且爲世界偉人覘國本者所萬眸同的而齊觀者乎吾願愛國諸君子思之思之思所以維持之光大之以增盛我國之聲明文物爲我民族造永久安全之福是微特本會同人所馨香而致祝抑亦世界羣倫所著蔡而同欽者也